



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 437. De Immedi traditione familiæ in Holthus in pago Hrittiga, itemque de origine comitum de Scartfelde et Lutterberg.

urn:nbn:de:hbz:466:1-36114

§. 434.

Tradidit enna pro se et fratre suo tadi VIII. mansos et quiddam habuit in *uuatberi* (u).

et gubernare Corbeiam Walhonne.

§. 435.

Tradidit thatmarus pro proximo suo hogero in *fritbentigarothe* (v) II familias.

§. 436.

Tradidit maginhardus pro fratre suo tangmaro et illius coniuge II familias unam in *sickiunbus* (w) et unam in *bieranbus*.

§. 437.

Tradidit immed pro proximo suo thiadulfo I familiam in *holtbus* (x).

§. 438.

Fridericum, primum comitem de Arneburg, deficit, cuius inuenienda fortasse nobis alio tempore occasio ministrabitur.


- (u) Villam *Watberi* abbas noster Saracho sine pago memorauit, nescimus, quam ob causam id fecerit. Cum igitur ignoremus pagum, in quo hæc villa exstiterit, ideo non ualemus indicare, an subsit vicus *Wetter*, hodie *Wetterburg* in principatu Waldeccensi, an *Wetter* in Landgraviatu Hassio-Darmstadieno haud procul Marburgo, an vero *Wetter*, in comitatu Marciano. Vltimum uideretur nobis probabilius. Rationes, cur ita sentiamus, inuenies in *Cliueta Corbeiensi* in cap. de nobilibus dominis de *Wolmensene*.
- (v) *Fritbentigarothe* villam itidem abbas noster l. c. sine mentione pagi adduxit. An ipsius tempore nulla hæc fuit villa? Hodie sane dubium est, an designetur *Vresitiero* in præfectura Gandersheim, an *Friderichevode* in Thuringia, vel *Fritberike*, quæ olim in diocesi Halberstadeni haud procul ab vrbe Brunsviga exstiterit. Probabiliter hæc vltima indicatur.
- (w) *Sickiunbus* et *Bieranbus* erant loca, teste Sarachone obuia, in pago *Almunga*. Ex quo momento apparet, denotari *Stuckbusen* et *Barbusen*, loca in dynastia Bura-na intra episcopatum Paderbornensem. Quantum itaque e situ harum villarum conclusimus, arbitrari libet, *Maginbardum* et *Tangmarium* inter posteros *Widikindeæ* stirpis fuisse videtur; statuamus, quæso, de eodem *Tangmaro* etiam memorari loco nostro. Quamuis enim quis perhibere possit, pugnare hoc cum chronologia, putamus tamen, fratrem eius, qui circa annum 960 filium et circiter annum ætatis XXX, habuit, adhuc in uiuis esse potuisse anno MXII.
- (x) Villa *Holtbus* reperiebatur olim, Sarachone l. c. teste, in pago *Hrittiga*. Hunc in principatu Gottingensi circa oppidum Northeim situm fuisse, nemo ambiget. Intelligimus ergo, denotari vicum *Holtbusen*, locum præfecturæ Brunstein, quem probe discernere velis a villa *Holtbusan*, in pago Marungo sita et infra (§. 466) memorata. Hæc vltima quondam erat sita iuxta *Snetinghusen*. Locus hic nunc vocatur *Schneidighausen*, situs in præfectura Moringen intra eundem principatum Gottingensem. Situm vtriusque ville docet sequens litterarum extractus:

Ab anno
1010 vi-
que 1014
regnante
Heinri-
co II.

Zonorabili viro dñō suo *Paderburnensi* episcopo *godescalcus nobilis* dictus *de Plesse*. *Tidericus de Zardenberge*. *Lodericus de Roslorp* paratum et debitum in omnibus famulatum. Vestra debet scire reuerentia et publice protestamur in his scriptis. quod nunquam intelleximus. nec etiam existat memoria. quod ecclia *paderburnensis* aliqua bona habuerit in villa *Zolbusen* sita apud *Snetinghusen*. que ad ipsam pertinuerint titulo proprietatis vel aliquis possiderit ab ea iure feudali. vel alio iure quocumq. Sed ego *Godescalcus de Plesse* protestor et dico. vos et eccliam vestram plurima bona habere in *Zolbusen* que vulgariter dicitur *Langenbolthusen* et est sita apud oppidum *Northheim* et ego G. nobilis teneo a vobis et ecclia vestra in eadem villa quatuor mansos et quasdam areas et molendinum iure feodi et sunt alii plures. qui in eadem villa a vobis et ab ecclia vestra tenent plurima bona. quedam titulo pignoris quedam iure feodi unde presumimus erratum esse de villa *Zolbusen* sita apud *Snetinghusen*.
MCCCLXXXVI. V. kal. decemb.

De villa *Langenbolthusen*, iuxta oppidum *Northheim* sita, fieri in paragrafo, qui præ manibus est et oculis, mentionem, non citra rationem arbitramur. Iam, quis *Immed* et *Thiadulfur* fuerint, videris et nobis querere. Dicemus, quid sentiamus, et relinquamus eis, qui haud fauent, libertatem aliter sentiendi. Ad tribum clarissimam *Immedingicam* spectasse *Immedum*, per coniecturam auguramur. An vero per mares vel feminas coniunctus fuerit cum ea, res altioris videtur esse indaginis. Per mares eum cum eadem coniunctum fuisse, non audemus dicere. Fortassis *Immedus* frater fuit archiepiscopi *Bremensis Urwani*, quem supra (§. 229) ad *Immedingicam* tribum referri vidimus. Atque eam ob causam l. c. diximus, eundem fuisse natum e sorore *Immedi*, qui exliit pater *Paderbornensis* episcopi *Meinwerchi*. Iam si sumimus, *Immedum* nostrum fratrem fuisse *Urwani*, auus maternus *Immedi* nostri fuit *Immadus* pater *Meinwerchi*. Hæc autem sententia nostra nititur prædiis ac bonis, quæ tam *Urwani*, quam *Immedus* noster possedit. Bona ab *Urwano* archiepiscopo ecclie tradita *Paderbornensi* erant *Hoënsfide* in pago *Rittiga*, *Morunga* in pago *Morungano*, et *Berneshufen* in pago *Lisga*. *Hoënsfide* villa ad *Leinam* haud multo interuallo infra *Northemium* sita eminet, agro pascuisque diues. Ephoræ ecclie ibi est sedes. *Morunga* oppidum a cenoso situ nomen traxit. Sedes ibi est præfecturæ. Floret ibidem orphanotropheum procerum prouincialium Principatus *Calenbergici*, cuius pars est tractus *Gætingensis*, quem ex veteri consuetudine vocare consueuimus Principatum *Gætingensem*. *Berneshufen* villa dicitur nunc *Bahnhusen*, locus præfecturæ *Staufenburg* ad radices siluæ *Hercinæ* versus *Osterodam* ab occasu. In eodem pago *Rittiga*, quem *Saracho* abbas semper appellat *Hrittiga*, præterea *Immedus* noster bona hereditaria possedit. Nonne ex eo probabile redditur, *Immedum* nostrum consanguineum, et verisimilius, fratrem fuisse archiepiscopi *Urwani*? Parum vel nihil habebis, quod nostræ sententiæ opponere poteris. Cumque in eadem regione vicum quendam *Immedesbusen* reperiamus, fortassis et ille a nostro *Immedo* nomen accepit. Si id conoquere possis, statuere libet, huius *Immedi* patrem fuisse *Ortonem*, filium *Burchardi*, testante §. 384. *Bacco* enim siue *Burchardus* in pago *Hlisco* quædam tradidit, qui *Burchardus* verisimillime est *Burchardus*, qui anno 965 comes erat in eodem pago *Hlisco*. Hunc *Burchardum* si statuimus filium *Folchardi*, quem inter progenitores comitum de *Lutterberg* et *Scharfeld* retulimus supra §. 112; inter *Immedum* et *Sigebodanem*, quem primum comitem de *Scartfelde* appellant, quique anno 1134 seqq. vixit, tantum nobis vna vel duæ personæ deessent. Forsan ille, quo caremus, est comes *Sigebodo*, teste necrologio *MSpto* anno 1062. mortuus. Plura de illis dicturi sumus in *Clientela Corbeiensi*. Accipe interim schema genealogicum comitum de *Scharfeld* et *Lutterberg*. Referuamus argumenta in alio tempus, breuitate huius instituti sic suadente.

Dedii



Immed denique fororius esse poruit *Tbiadulf*, pro quo *Immed* vnam Corbeienfis familiam largitus est in *Holtbus*. Filiam et sororem fuisse *Tbiadulfo*, docent §. 382 et 370. Cum vero *Tbiadulfus* fuerit filius Sigefridi, probabiliter *Immedi* vxor prima fuit e stemmate Northheimensi procreata.